



黃岡縣志卷之二十三

知黃岡縣事宛平俞昌烈編輯

雜志

祥異

春秋書災異不書祥瑞示警也纂志與修史同與作經畧殊例皆得備書焉夫精祲有以相盪美惡有以相推事作乎人者象動乎天地大則關於國家小亦關於一郡一邑可誇言吉而諱言凶乎邑之災祥有普及者有特見者皆踵舊志詳著於篇

吳

黃岡縣志

卷之二十三

祥異

一

永安元年三月西陵言赤烏見

晉

大興元年西陽地震水涌山裂

晉書

宋

元嘉十五年秋八月白雀見西陽江州刺史南譙王義宣

以獻

宋書

南齊

永明十年齊安郡民王攝掘地得四文大錢一萬二千七

百十枚品製如一

齊書

唐

貞觀十四年黃州進紫芝白兔

嗣聖十四年旱

中和二年春三月天鳴若轉磨無雲而雨

宋

乾德四年縣民段贊屋柱生芝一本三莖知縣鄧守忠以

獻是年黃州進白兔

太平興國七年知黃州裴仁鳳獻芝草

淳化元年黃州刺史魏丕獻芝草

至道三年黃州麥秀二三穰

咸平元年冬黃州西北雷震 二年瑞草生知黃州張鑑

黃岡縣志

卷之二十三

祥異

二

以獻

冬震雷十二月長蘄

省志作柳

村二虎夜鬪一死食

之殆半

三年秋八月羣雞夜鳴至冬不止 冬十月

雷聲如夏

大中祥符元年黃州獻異竹一本雙莖

明道元年黃州竹及橘木柿木連枝

淳熙七年大旱

嘉定十四年春正月地夜震

元

至元三年大水 七年大水

大德三年旱秋九月有流星色赤尾長尺餘墜地聲如雷

十年七月饑

延祐七年旱

至順元年饑

至元元年冬十二月地震 二年夏四月縣民周氏婦產

一男狗頭人身即死咸以為旱魃云 是年旱 秋七

月蝗

至正七年大水 十二月大旱人相食 十三年大旱疫

明

洪武四年冬十月大霧北風寒勁雨黑雪草木竹柏皆枯

宣德三年夏六月隕霜殺稼

黃岡縣志

卷之二十三

祥異

三

宏治六年興王之藩舟至黃州有烏數萬繞舟明史十一年

自冬十月至明年正月不雨有鴉銜火集人屋以翼扇

之居民露宿 十三年夏大水 十四年柳子港有虎

害

正德元年大旱 三年大旱 四年夏旱 六年七年八

年連年大旱民窮盜起流亡衆多 十年澣子灘水怪

出知府盧濬滅之 十三年大水饑女王城有虎害

十四年夏五月雨雹如雞卵壞民舍

嘉靖元年春三月地震 二年五六月不雨苗盡槁奏免

田租有差 九年秋大水有星如月流西北聲如雷

二十三年大旱 二十九年雨霾 三十二年大水道
觀河水怪見大雨水溢民多溺死 三十三年大水
三十四年冬十二月地震 三十五年民謝姓家豕生
三子並一角牛尾馬蹄 三十九年秋大水傷稼
萬歷元年春三月田鼠食禾尋自斃虎食人於郊 二年
春二月地震 十三年清源門災 十五年夏大雨城
壞 十六年大旱人食木皮多饑死團風鎮火延數百
家 十七年大旱饑虎入市 十八年夏四月雨雹如
磚大疫人相食 十九年大有年 二十四年府學文
廟災 三十一年團風河西岸崩舟人多斃 三十二

黃岡縣志

卷之二十三

祥異

四

年府治災 三十三年春二月地震 三十四年大水
三十五年彗星見昏東晨西夏六月水白陽山蛟見
三十六年夏大水舟入城 四十二年大旱四月初二
地震 四十五年大水滸子灘水怪傷人 四十七年
秋八月地震
天啟元年冬大雪自十一月至於二年春四十八日烏鵲
死路無行人 二年大旱斗米千錢
崇禎二年三月地震一日五震有聲如雷屋瓦搖墮夏又
震十月又震 六年地震 七年地震 晝晦如夜
八年鵲成羣投河 冬地大震 十年雨蟲色黑大如

菽食苗盡 十一年秋野蕘入城 十二年夏五月鼠
食禾渡江五六日不絕 城南門流血五日 十三年
秋八月地震聲如雷民舍壞 十四年夏六月飛蝗食
苗盡入城陰翳障天是年大疫 十五年冬十月二日
日食晝晦是年鴨蛋洲有飛鵲萬餘枚投蘄州南城濠
死 十六年春二月清源門五日夜鬼哭 十七年春
正月初四日大雨雹

國朝

順治三年春正月生員李遐齡妻一產三男 九年春正
月朔旦大雪十五日上伍鄉雨黑水如墨汁自正月至

黃岡縣志

卷之二十三

祥異

五

二月地屢震六月一字門外災是歲大旱斗米四百錢
十二年大有年 十三年教場有白氣起平地蜿蜒如
龍至空不見 十四年旱

康熙元年夏四月白燕來巢秋旱 二年復旱秋七月十
五日城內外火焚民舍十之九八月大水 三年冬十
月彗星見翼軫分五十餘日 五年夏四月雨雹 六
年春夏旱 七年夏六月地震 九年五月雨黑米黑
豆 十一年冬十一月生員李宏妻張氏一產三男宏
父遐齡兩世皆有三男之瑞事見順治三年 十四年
夏多虎害通判宋犖除之 十五年六月大水 十七

年大有年 十八年大旱 二十四年大水 二十七年夏四月十七日白雪銀光見翼軫間層疊團結中有五色氣如斷虹 二十八年田鼠食禾及秋化爲魚 二十九年旱饑 三十二年夏大旱 三十三年旱 三十五年秋八月大水 三十九年春大雨地震三月十六日地震 四十年夏六月大水 四十五年夏五月大雨江水驟長五尺西陽河馬家潭蛟見姚二渡簡堤缺西瓜舖魚博但家店諸山市民居漂沒有溺者 四十七年春二月地震秋旱 四十八年秋旱赤山潭居民掘地得魃擊殺之遂雨 四十九年八月初三日

黃岡縣志

卷之二十三

祥異

六

地震 五十一年春二月雨雹斃物大風伐屋夏蝗官捕之數日盡秋大熟 五十三年夏旱 五十四年至五十九年秋大熟 五十七年冬十二月雷電雨雪 五十八年夏五月有虎傷人於城南三日乃去 六十年秋旱 六十一年秋大熟 雍正四年夏大水 五年夏大水秋大疫 七年夏四月佗鷓洲有蝗官撲滅之秋大熟 九年夏四月赤壁山下麥穗五歧 十年夏六月大水 十一年夏四月地震鴨蛋洲麥穗四歧五月大雨江水溢但店出蛟水淹民居 十二年秋大熟 十三年春旱夏六月雨

乾隆元年秋大熟 二年夏大水 六年秋大熟 八年夏大水 二十年三月雨雹自鐵冶至柳林三十餘里 大者盈尺 二十一年至二十三年秋大熟 二十九年大水 三十二年三十四年大水 四十三年旱 四十八年大水 五十年大旱賑鮑湖底有自然穀慕義鄉人採食甚衆 五十二年春東鄉蝗有雀千萬食之間化爲蝦是歲大熟 五十三年大水近清源門慕義鄉人見江心湧出破船浪高數丈聲如雷踰時沒嘉慶七年夏旱 二十年柳子港蛟水被害人百四十餘口冲沒廬墓無數冬慕義鄉麻陽灣有豹土人黃啟萬斃之 二十一年大水淋頭畝有虎患土人巴維太斃之

道光三年大水 五年夏鮑湖南麥三歧 六年馬跑嘴芝草生 八年牛車河雙河口雷擊異獸似驢一肩兩首四蹄鷹爪 十年冬震雷 十一年大水至清源門十三年大水 十五年旱蝗 十六年蝗 十九年至二十二年大水 二十七年冬震雷 二十八年大水至清源門

兵事

黃岡地介江淮南北之所必爭自吳晉迄梁陳金鼓之聲相聞將吏被介冑而睡殆史不絕書而其最蹂躪者莫如宋元之鬪及明季之寇亂焉

聖代鼎興餘氛未靖以次削平

德化淪洽迄今百七八十年兵氣銷爲日月光矣涵濡膏澤而佚能惟始安不忘危必將有以消未萌備不虞是賴明察之長慈惠之師

周

惠王二十二年爲魯僖公之八年楚鬪穀於菟滅弦弦子

黃岡縣志

卷之二十三

兵事

八

奔黃於是江黃道柏方睦於齊皆弦媼也弦子恃之而不事楚又不設備故亡

左傳

按各代地理志江國在汝寧府新息縣西南八十里安陽故城黃國在今光州界或以江夏黃岡二縣爲古江黃二國非也

府志

漢

永和二年江夏盜殺邾長

茅志

魏

太和二年滿寵領豫州刺史三年春降人稱吳大嚴揚聲獵江北孫權欲自出寵度其必襲西陽而爲之備權聞

之退還魏志滿
寵傳

後漢

後主延熙二年吳陸遜取魏邾以兵三萬戍之四年吳赤烏

志

晉

泰始九年七月吳將魯淑圍弋陽征虜將軍王渾擊敗之

晉武帝
本紀

泰康元年王濬督軍臨江吳牙門將孟泰以蘄春邾二縣

降續大事記

太興初陶侃為武昌太守時天下饑荒山夷多斷江劫略

黃岡縣志

卷之二十三 兵事

九

侃令諸將詐為商船以誘之劫果至生獲數人西陽王

羨之左右也侃即遣兵逼羨令出向賊侃整陣於釣臺

為後繼羨縛送帳下二十人侃斬之自是水陸肅清晉書

陶侃
傳

咸和初陶侃以荆江二州刺史鎮武昌議者以武昌北岸

有邾城宜分兵鎮之侃每不答而言者不已侃乃渡水

獵引將佐語之曰我所以設險而禦寇正以長江耳邾

城隔在江北內無所倚外接羣夷夷中利深晉人貪利

夷不堪命必引寇虜乃致禍之由非禦寇也且吳時此

城乃三萬兵守今縱有兵守之亦無益於江南若□□

有可乘之會此又非所資也及庾亮戍之果大敗

晉書

陶侃傳

咸和五年鄧嶽爲西陽太守時郭默之殺劉應大司馬陶

侃使嶽將西陽之衆討平之

晉書鄧嶽傳

咸康五年毛寶爲豫州刺史與西陽太守樊峻以萬人守

邾城石季龍惡之乃遣其子鑒與其將夔安李菟等五

萬人來寇張貉度二萬人攻邾城寶求救於庾亮亮以

城固不時遣軍城遂陷寶峻等率左右突圍出赴江死

者六千人寶亦溺死

晉書毛寶傳

元興三年五月劉道規與劉毅何無忌攻桓元西走江陵

黃岡縣志

卷之二十三

兵事

十

留郭鈴等守湓口乃大聚兵衆召水軍造樓船器械率

衆二萬浮江東下與冠軍將軍劉毅相遇於崢嶸洲時

兵不滿萬人衆憚之欲退守潯陽道規不可麾衆而進

毅等從之大破元軍郭鈴與元單舸走江陵不復能守

宋劉道規傳

宋

元嘉二十八年西陽蠻緣江爲寇殺南川令劉臺並其家

口時亡命司馬黑石廬江叛吏夏侯方進在西陽五水

煽動羣蠻十月太祖遣太子步兵校尉沈慶之率江荆

雍豫諸州軍討之使武陵王駿總統衆軍三十年正月

武陵王出次西陽之五洲慶之自巴水至洲諮受軍略
柳元景率所領進西陽會伐五水蠻世祖初元西陽蠻
田益之等起義攻郢州及末年遣沈慶之討西陽蠻大
尅獲而還

宋書

孝建元年臧質反兵敗走至潯陽載妓妾西奔使所寵何
文敬領兵居前至西陽西陽太守魯方平質之黨也至
是誑文敬文敬棄眾走六月戊辰質走武昌爲人所斬
傳首京師

宋書臧質傳

齊

昇明元年沈攸之反圍郢州遣中兵參軍公孫方平馬步

黃岡縣志

卷之二十三

兵事

十一

三千攻武昌西陽太守王**璩**奔於盆口方平因據西陽
以劉懷珍持節督豫司二州郢州之西陽軍事遣建寧
太守張謨遊擊將軍裴仲穆帥蠻漢萬人出西陽破方
平軍數千人收其器甲

南齊書劉懷珍傳

永元中西陽馬榮率眾緣江寇抄商旅斷絕刺史蕭遙欣
遣弘農太守鄧元起率眾討平之

梁書鄧元起傳

中興元年四月梁高祖出沔命長史王茂冠軍將軍蕭穎
達等進軍逼郢州五月東昏侯遣寧朔將軍吳子陽軍
主光子衿等十三軍救郢州進據巴口西臺諸將議欲
分兵以襲西陽武昌高祖曰西陽武昌取便得耳得便

應鎮守守兩城不減萬人糧儲稱是卒無所出脫賊軍有萬人攻一城兩城勢不得相救若我分軍應援則首尾俱弱如其不遣孤城必陷一城既沒諸城相次土崩天下大事去矣若郢州既拔席卷沿流西陽武昌自然風靡何遽分兵散眾自貽其憂子陽等進軍武口高祖命眾軍乘流攻之大潰七月郢州下兩郡俱降

梁書武帝本紀

梁
天監三年夏侯夔假節西陽太守普通八年夔帥將軍裴之禮任思祖出義陽攻魏三關克之

梁書本傳

太清二年侯景遣兄子思穆據守齊安西陽太守周昺率

黃岡縣志

卷之二十三

兵事

十二

驍勇襲破思穆擒斬之時昺據武昌西陽二郡招聚卒

徒甲兵甚盛與寧州長史徐文盛擊任約於樊山

陳書周昺

傳

太寶元年世祖猶稱太清四年九月侯景將任約進寇西陽武昌世祖遣左衛將軍徐文盛等下武昌拒約文盛入貝磯任約率水軍逆戰文盛大破之斬其儀同叱羅子通等傳首江陵仍進軍大舉口十二月壬辰世祖又遣護軍將軍尹悅巴州刺史王珣西荊州刺史杜幼安帥眾助文盛別攻武昌拔之約退保西陽文盛進據蘆洲二年正月任約告急於景三月景率眾二萬西上援

約四月次西陽渡蘆洲上流以壓文盛等文盛不敢戰杜幼安宋箴等率所領獨進與景戰大破之獲其舟艦以歸世祖以王僧辨代文盛率巴州刺史淳于量定州刺史杜龕等俱赴西陽會景襲陷郢僧辨留巴陵景軍圍之世祖遣平北將軍胡僧祐率兵二千赴援至揚浦景遣任約率銳卒五千據白塔遙以待之僧祐由別路西上約急追之及於南安芋口僧祐潛引卻至赤沙亭會信州刺史陸法和至並軍擊約大破之擒約送江陵景聞之遁

梁簡文帝元帝本紀徐文盛杜幼安侯景傳

陳

黃岡縣志

卷之二十三

兵事

十三

大建五年西陽太守周炆隨吳明徹北討所向克捷齊遣尙書左丞陸騫以眾二萬出自巴蘄與炆相遇炆留羸弱輜重設疑兵以當之身率精銳由閒道邀其後大敗騫軍虜獲器械馬驢不可勝數進攻巴州克之於是江北諸城並誅渠帥以城降進炆散騎常侍追炆入朝初蕭詧定州刺史田龍升以城降陳以爲鎮遠將軍定州刺史封赤亭王及炆入朝龍升以江北六州七鎮叛入於齊齊遣高景安帥師應之於是令炆爲江北道大都督總統眾軍以討龍升龍升使弋陽太守田龍琰帥眾二萬陣於亭川高景安營於木陵陰山爲其聲援龍升

引軍別營山谷，昺乃分兵各當其軍，身率驍勇先擊龍升。龍升大敗，龍琬望塵而奔，並追斬之。高景安遯走，盡復江北之地。陳書周昺傳

隋

開皇九年，以周法尚爲黃州總管。上降密詔，使經畧江南。伺候動靜，及伐陳之役，以行軍總管隸秦孝王。率舟師三萬出於樊口，陳城州刺史熊門起出師拒戰，擊破之，擒起於陣。隋書周法尚傳

唐

興元元年，李希烈反，淮南、沂、江、徇、地、江、西、節、度、使、嗣、曹、王

黃岡縣志

卷之二十三

兵事

十四

臯討之，遣將伊慎爲先鋒，與賊夾江陣。賊柵蔡山，不可拔。臯聲言西取蘄，引兵艦循厓，沂江上。賊聞以羸卒保柵，悉軍行江北，與臯直西去。蔡山三百里，臯遣步士悉登舟，順流下攻蔡山，拔之。遂取蘄州，降其將李良平。黃州兵益振，天子在梁州，包佶轉東南財糧，次蘄口。賊遣驍將杜少誠以兵萬人遏江道，不得西。慎選士七千列三屯相望，偃旗以待。少誠分圍之，未合。慎自中屯鼓之，諸屯悉出，奮擊賊，亂破之。於黃岡，少誠遯走，斬別將許少華。漕無留難，拜慎爲安黃節度使。貞元末，詔安黃爲

奉義軍，卽爲奉義節度。

唐書曹王臯傳及權德輿伊慎碑

乾符永黃巢亂江西出入蘄黃杭州刺史路審中爲董昌所拒走客黃州中和末入鄂州以守光啟二年爲安陸賊周通所攻亡去鄂州人杜洪乘虛入鄂自爲節度留後永興民吳討據黃州乾寧元年春三月黃州刺史吳討舉州附於吳夏五月武昌節度使杜洪攻黃州楊行密遣行營都指揮使朱延壽救之按唐杜洪傳永興民吳討據黃州駱殷據永興二人皆隸土團者也故軍剽甚洪雖得節制而附朱全忠乾寧初身自將擊討乞師淮南楊行密遣朱延壽救之洪引還延壽拔黃州俘討京師駱殷棄永興走行密取其地與此畧異今從通鑑所載俱見十國春秋

十二月吳討畏杜洪之逼納印請代行密以先鋒指揮使瞿章權知黃州或作瞿章瞿璋皆非今從吳錄見十國春秋

黃岡縣志

卷之二十三

兵事

十五

乾寧四年夏四月朱全忠將朱友恭攻黃州吳遣右黑雲都指揮使馬珣等救黃州以樓船精兵助章守黃州刺史瞿章聞友恭至棄城擁眾南保武昌寨五月辛巳友恭爲浮梁於樊港進攻武昌寨壬午拔之遂陷黃州刺史瞿章死之馬珣收散卒三百自黃州間道走十國春秋

後梁

乾化四年楚岳州都指揮使王環襲吳徐溫黃州夜分南風暴起乘風趨黃州以繩登城徑奔州署執吳刺史馬鄴展旗鳴鼓揚帆過鄂而歸十國春秋

後周

顯德三年周遣齊藏珍攻唐黃州未下命司超遙領刺史
五年世宗南征臨江遣水軍擊唐兵破之二月唐主遣
使獻舒廬蘄黃四州地畫江以爲界周師引還

通鑑

宋

建炎初賊闔瑾犯黃州縱掠而去鄂州通守趙令歲渡江
存撫之黃人乃安

宋史趙令歲傳

是年賊張遇過黃州城下知黃州趙令歲出城見之遇飲
以酒一舉而盡曰固知飲此必死願勿殺軍民遇驚曰
先以此試公耳更取毒酒沃地地裂有聲乃引軍去未
幾丁進李成兵迭至令歲俱擊却之

宋史趙令歲傳

黃岡縣志

卷之二十三

兵事

十六

二年正月東平府兵馬鈴轄孔彥舟反引兵渡淮圍黃州
守臣趙令歲率兵民固守拒之凡六日乃解

宋史高宗本紀趙令

歲傳

三年金人犯黃州守臣趙令歲以內艱去詔起復已還在
道郡卒得金人木笥鑿箭浮江告急令歲疾趨夜半入
城金人力攻翼日城陷金人欲降之大罵不屈金人怒
鞭之流血被面罵不絕口而死事聞贈徽猷閣待制諡
曰愍忠初城破都監王遠判官吳源巡檢劉卓皆以不

屈死焉

宋史趙令歲傳

乾道間江湖大旱流民北渡江宰相虞允文白遣薛季宣

行淮西收以實邊季宣爲表廢田相原隰立二十二莊於黃州故治東並邊歸來者振業之季宣謂人曰吾非爲今日利也黃州地直蔡衝諸莊輯則西道有屏蔽矣

宋史薛季宣傳

嘉定十二年二月金人分兵自光州犯黃州之麻城十四年己巳金將僕散安貞犯五關壬申治舟於團風弗克濟遂以十餘萬眾圍黃州丁丑詔李全救蘄黃三月丁亥金人破黃州淮西提刑知州事何大節自沉於江按節殉難見宋史忠義李誠之傳本紀以爲棄城遯死誤也遂陷蘄州前後殺掠無筭

癸丑金人退師鄂州副都統扈再興擊敗之於久長鎮

黃岡縣志

卷之二十三

兵事

十七

宋史寧宗本紀

端平二年正月詔孟珙主管侍衛馬軍司公事暫駐黃州措置邊防三年珙至黃增埤浚隍蒐討軍實邊民來歸者日以千數爲屋三萬間居之厚加賑貸又慮兵民雜處因高阜爲齊安鎮淮二砦以居諸軍創章家山母家山兩堡爲先鋒虎翼飛虎營兼主管內安撫司公事節制蘄黃光信陽四郡軍馬十月元答思復出鄧州遂至蘄黃珙遣兵解蘄州圍宋史理宗本紀及孟珙傳嘉熙元年授孟珙諸軍都統制十月元將口温不花別畧黃州張柔自光州進趨黃州破三山寨至大湖中得戰

艦沿江接戰壁於黃州之西北隅時蘄光舒三守或遁或降元將遂合三郡人馬糧械攻黃有乘舟出者柔曰此偵我也夜必襲吾不備分軍爲三以待之二鼓時宋師果至柔遮擊俘數百人攻其束門矢如雨注軍少却柔率死士奮戈大呼所向仆踣黃守王鑑江帥萬文勝戰不利柔執俘而還及珙入城軍民喜曰吾父來矣駐帳城樓捐畫戰守全其城斬逗留者四十九人以徇諸將士彌日苦戰病傷者相屬珙遣醫視療士皆感泣

孟珙及元史張柔口温不花傳

淳祐四年命分兵三千備齊安孟珙言黃州與壽昌三江

黃岡縣志

卷之二十三

兵事

十八

口隔一水耳須兵卽渡何必預遣先一日則有一日之費無益有損萬一上遊有警我兵已疲非計之得也

孟珙

傳

開慶元年八月元世祖入大勝關次黃陂得宋沿江制置司榜有云今夏諜聞北兵會議取黃陂民船繫棧出陽邏堡以渡會於鄂州世祖曰此事前所未有願如其言辛丑晦元將董文炳下臺山寨師次陽邏堡九月甲辰世祖登香爐山俯瞰大江宋兵築堡於岸以大舟扼江渡水陸軍容甚盛世祖遣兵奪二大舟夜遣木魯花赤張文卿等具舟楫以通援兵絕宋往來路文炳言於世

祖曰長江天險宋恃爲國勢必死守不奪其氣不可
請嘗之卽與敢死士當其前率弟文用文忠鼓□急□
李穀以一旅先諸軍揚旗伐鼓叫呼畢奮三道並進天
徐霽與宋師接戰者三文炳麾衆搏之殺獲甚衆徑達
南岸時世祖方駐香爐峯因策馬下山問戰勝狀扶鞍
起立豎鞭仰指曰天也進圍鄂州張勝堅守不下死之
會世祖北還乃命史權總兵鎮江北之武磯山宋理宗元世祖

本紀董文炳張柔李守賢史天倪傳

景定元年宋宣撫大使賈似道奏薙草坪與元兵大戰進
至黃州元大帥兀良哈解率湖南兵北歸守將張傑作

黃岡縣志

卷之二十三

兵事

十九

浮梁於新生磯賈似道自鄂趨黃與元回軍相遇用劉
整計攻斷浮梁殺殿兵百七十人遂上表言夏貴等戰
新生洲進至白虎磯身自督戰有功宋史理宗元史世祖本紀及賈似道傳

二年元命鄂州青石磯澣黃灘所招新民遷至江北者設

官領之

元史世祖紀時元中統二年

咸淳二年元阿朮畧地蘄黃俘獲萬許

元世祖本紀時元至元三年

十年

元至元年

十二月丙午伯顏軍自蔡店次於漢口宋淮

西制置使夏貴都統高文明劉儀以戰船萬艘分據諸
隘都統王達守陽邏堡荆湖宣撫朱禕孫以遊擊軍扼

中流師不得進用千戶馬福計自漢口開埧引船會渝

元史作淪

河口先遣萬戶阿剌罕以兵拒沙蕪口逼近武磯

巡視陽邏城堡逕趨沙蕪入大江壬子戰艦萬計相踵而至屯布蒙古漢軍數十萬騎於江北遂修攻具進軍陽邏堡伯顏遣人招之其將士皆曰我輩受宋厚恩戮力戰死此其時也安有叛逆歸降者伯顏攻之三日不克乃與阿朮謀夜以鐵騎三千泛舟上流爲擣虛計詰旦渡江襲南岸乙卯分遣右丞阿里海牙督萬戶張宏範等攻武磯堡四面皆水總管李庭決其水而攻之夏貴以兵來援元阿朮率萬戶晏徹兒等四翼軍乘雪

黃岡縣志

卷之二十三

兵事

二十

夜對青山磯泊丙辰萬戶史格以一軍先渡爲宋荆鄂諸軍都統程鵬飛所敗總管史塔刺渾等率衆赴敵血戰中流鵬飛敗歸鄂州都統高邦憲屯馬家渡棄舟走被執元軍進軍沙洲抵觀音山遂得南岸阿朮與鎮撫何瑋等攀岸步鬪宋軍起浮橋成列而渡兵十萬舟二千迎戰橫截江上阿里海牙遣張榮實解汝楫等軍舳艫相銜直抵夏貴鏖戰北岸獲宋大船二十俘二百斬宋將呂文信千戶隋世昌舍舟師率蒙古哈必赤軍步戰斬其一將宋師潰都統劉成以定海水軍戰死夏貴僅以身免走青山磯沿江縱兵大掠歸廬州伯顏遂

破陽邏堡武定都統制王達戰死丁巳伯顏登武磯山望大江南北禩孫奔江陵鵬飛以鄂州降伯顏將大軍水陸東下俾阿朮先據黃州庚午鵬飛以北兵徇黃州宋沿江制置副使知黃州陳奕降都統米立潰圍出走江西被執不屈死明年正月癸酉元兵入黃州

宋史度宗元史

世祖本紀及伯顏阿朮諸臣列傳

德祐二年宋淮民張德興起兵殺太湖縣丞王德顥據司空山與野人原寨主劉源司空山寨民傅高攻下黃州壽昌軍七月丁巳遇元宣慰使鄭鼎戰樊口鼎墜水死元宣慰使奧魯赤調兵攻司空山復黃州九月元陷壽

黃岡縣志

卷之二十三

兵事

二十一

昌軍德興死之黃州復歸元

宋史瀛國公本紀及文天祥集

元

至元十三年興國軍毛遇順等作亂權軍事陳天祥撫之及天祥去復變大江南北多殺守將以應宣慰使鄭鼎臣帥兵討之至樊口兵敗死黃州遂聲言攻陽邏堡鄂州大震天祥言於參政賈居正曰陽邏堡依山爲壘素有守備彼若來攻我之利也且南人浮躁輕進易退官軍憑高據險而逼之烏合之衆與之相敵不三三日死傷必多遁逃者十八九我出精兵以擊之惟疾走者乃始得脫乘此一勝則大勢已定然後取黃州壽昌如摧

枯拉朽耳居正深然之聞至陽邏堡乃引兵宿於青山
明日大敗其衆皆如天祥所料擒其長斬於鄂州市遣
諭其徒歸里元史陳天祥傳

十四年黃州復叛命宣武將軍管軍總管齊秉節討之斬

余總轄於陣元史齊秉節傳

至正十一年羅田徐壽輝兵起九月陷黃州路敗威順王
寬徹不花十三年淮西元帥咬住進討蘄黃十六年八
月卜顏帖木兒守禦蘄黃等處十七年倪文俊謀弑壽
輝不克遂自漢陽奔黃州壽輝僞將陳友諒襲殺之并

其兵元史順帝本紀明史徐壽輝傳

黃岡縣志

卷之二十三 兵事

二十二

二十三年八月明太祖敗陳友諒於江州克其城分兵徇

蘄黃皆下明史本紀

明

正德六年僉事郭詔督兵追劉惠趙鏃等至油河擒獲三
百餘人焚死二百餘人又天雨山水驟溢溺死者千人

明世錄法

七年五月河北賊劉六等走湖廣自河南取道麻城至團
風奔舟入江殺都御史馬炳然於爛泥舖登陸焚漢口
爲指揮滿弼等追及劉六中流矢與子仲淮赴水死劉
七齊彥名率五百人舟行自黃州順流抵鎮江至通州

颶風大作棄舟走保狼山官軍蹙之劉七亦赴水死

明史

陸完傳

正德中劇賊徐九齡嘯聚建昌醴源出沒江湖間積三十年黃州等處咸被害江南巡撫俞諫討平之

俞諫傳

崇禎九年流賊張獻忠出太湖連蕪黃焚邑楓香橋一帶邑文學鄧雲程兜甲執鐵鞭率鄉兵數千格鬪退之是年獻賊駐邑之白楊山遂抵西北邑民被殺者六七萬人吏部郎中晏清率父老請兵於巡撫王夢尹夢尹不應

董志

十二年流賊賀一龍賀錦犯黃州與楊嗣昌官軍相持

黃岡縣志

卷之二十三

兵事

二十三

十六年春三月二十四日獻忠破黃州城內外官民房舍悉燬居民盡逃乃驅婦女剷城尋殺之以填塹至四月二十八日破鴨蛋洲殺居民五月五日遂渡江陷武昌居之蕪黃等二十一州悉附於是白雲寨長易道三與監軍道王瓚沔陽知州章曠武昌生員程天一起兵討賊蕪黃漢陽三州府皆反正

明史流賊傳

國朝

順治三年土賊圍黃州先是明季賊亂郡城殘破居民多據險結砦以守合黃岡蕪水羅田麻城共四十八寨在黃岡者王光叔易明甫楊維尙等各據一寨英王自九

江傳檄諭之不下副將線維綺破之寨遂廢至是陳于藻王接骨等煽亂圍黃州副將唐國臣固守把總鄧克剛自蘄水赴援賊衆敗逃入東山及小李之亂鄖陽用兵檄調黃協兵往援千總田龍見素有異志鄧克剛亦以前功未賞至葉家洲激其衆叛與東山賊合所至擄掠巡撫遣兵至黃會討明年克之

府志

十年東山李有實等倡亂攻黃州諸堡同知白秉正招撫之遂於石人寨設立千總領兵駐防尋罷

府志

康熙十三年麻城東山劉青藜倡言官激民變程鎮邦鮑洪功陳恢恢李子茂等附之先是妖人黃金龍亡匿青

黃岡縣志

卷之二十三

兵事

二十四

藜家潛結河南賊渠譚以從等私立名號約以七月爲亂事覺青藜恐遂於五月擁衆數千掠曹家河黃守將王宗臣率所部兵駐興福寺麻城知縣屈振竒率鄉勇駐白杲進討之劉君孚者青藜之從父素黠者也夜遣七旗砍黃軍鄉勇潰賊勢益張同知于成龍聞警自陽邏兼程進諭散其黨羽因以二人從徑抵君孚營示以至誠君孚素知成龍威信遂率其衆三百人獻傾心向化旗又招洪功恢恢子茂等獻安家樂業旗以降於是程鎮邦出山乞撫盡降其衆金龍遁黃麻解嚴

于清端政書

秋七月黃金龍鄒君升復據麻城之紙棚河脅良助亂李

家集賊方公孝等附之知府于成龍同知佟養俊麻城知縣屈振竒黃岡知縣李經政次岐亭徵鄉勇三千人進討至望花山武舉陶之琇貢生彭喆諸人及麻城紳士從之舊宦程鎮邦獻地圖成龍乃令生員蕭命福蕭士綦劉君孚鄭丹施之瑞率其鄉勇集白杲生員劉青藜武童董錫董天祿拒寒坡岔唐殿袁興明何見子等拒塔兒岡劉以廷同伯卜等拒腦中山生員林斗文鄉保羅甸臣截其糧路夏仲昆余公俊以鄉兵伏布袋垵大崎山僧貫識伺賊於山後龍王墩區長王方遠等守賊出入隘口貢生吳晉爵生員戴宗禮程士極蔡作楫

助軍糧於是生員吳之鄒貢生龔相旦領衆進勦駐鄒家河賊聞風夜遯追及油河王方遠獲方公孝斬之夏仲昆等生擒鄒君升於項家廟斬首四十餘級士民四面攻擊殺賊無算黃金龍二十人夜走馬鞍山伏兵皆起盡擒之斬其首餘黨撫定凡六日亂平

政書

冬十月麻城東山李公茂陳頓徹鮑世榮擁衆數千據白水畝陳鼎業合逃兵由陽邏掠驛馬何士榮自永寧鄉應之賊勢大熾先是士榮與其兄士勝從吳逆士勝死士榮潛歸脅良爲亂鄉約熊爾忠上其變時鎮兵隨大軍征湖南議者欲退守麻城知府于成龍力持不可計

先取士榮餘賊自潰謀知士榮據黃土坳乃遣諸生張本恕等徵集鄉勇分守山隘別遣知縣李經政同生員楊瓊枝陶大定密擒鼎業父子陽邏平十一月成龍率諸生二十二人次但店黃協千總李茂昇把總羅登雲吳之蘭百總涂魁凡杜保以所部五十人來會各區鄉勇至者二千人乃遣武舉張尙聖及登雲以偏師出黃岡廟茂昇之蘭程鎮邦驛丞李德等大隊進發下春鄉勇五千大集營箔金寨下八日黎明士榮率賊數萬人自牧馬巖分兩路來攻成龍分令弁士各率其屬戰於黃土坳之蘭中鎗死茂昇陷陣射賊旗墜馳之馬斃遂

黃岡縣志

卷之二十三

兵事

二十六

徒步殺二人奪馬進戰李德揮鐵棍從之是時登雲尙聖白石山東路追賊越崇嶺數重衆軍齊合大敗之生擒四十八人殺賊無算士榮挾矛走左臂斷猶力戰陷泥中獲之餘黨解散遂乘勝抵呂王城白水畷至甌山河駐定慧寺時周鐵爪萬野于及公茂世榮頓徹據麻城之石壁賊衆數百人將入什子寨兵進戰獲野于公茂於是生員朱愷活擒周鐵爪劉青藜活擒世榮頓徹賊平東山悉定

政書

二十七年五月二十二日督標裁兵夏逢龍叛陷省城旋陷漢陽黃陂六月朔日賊舟蔽江下寇黃州遂入城誘

民從賊割辮爲識搜掠富戶近城數十里多被其害越
兩月走金口爲提督徐治都所敗奔武昌其將胡耀乾
不納復至黃州八月鎮武將軍瓦岱引兵至賊將迎降
逢龍逃白雲山里人縛送軍門磔於城東五里墩黃州

平
府志

墓域

古者葬取其藏不欲人見也而許由之塚故在比干之墓可封展禽隴禁采樵季札碑題十字蓋不獨橋陵弓劍禹穴衣冠矣茲邑賢士大夫與夫高人羈彥之幽棲舊志皆著其鄉識其所所以明靈爽無不之而體魄猶當愛護使骨亦與名俱不朽焉後之人豈徒過而思哀乎其亦拜而生敬也夫

周

黃歇墓

舊志云在縣中誤也歇故封在毘陵墓在江陰縣碑見存

漢

黃岡縣志

卷之二十三

墓域

二十八

樊噲墓

舊志在縣西北府志漢書樊噲傳云黃州城北二十里楓香橋北有樊本以古樊對江之樊因樊墓也又晉墓在關中而樊口本以古樊對江之樊因樊墓也又晉

咸和中西陽太守樊峻守邾城為石虎將所陷死焉疑即峻墓未知是否

南朝宋

謝晦墓

嘗在過岳州黃山謝顧瞻墓之按晦在劉宋黃山荆州刺史

遂葬黃山非黃州也黃山一民立祠祀之宋嘗有顯應在公府

舊志云今漢川門外止有一鐵淋墓近年嘗有顯應在公府

宋

蘇軾乳母任氏墓

銘云不必有以養之不祭其子也死有以

魂氣無不之也墓在治南長塘街乾隆十年邑人曹紹烈為置塋垣免樵牧之侵

贈龍圖閣大學士趙令歲墓並在樊口吉祥寺側

知府程澤墓在杏花園今名槐樹崗碑載景定間進地道

光二年被佔
有控案息銷

元

贈正奉大夫護軍南陽郡侯吳普顯墓在邾城南湖八里許山

龍仁夫墓在陽邏華山之陽有祠

明

吏部尚書吳琳墓在中和上鄉官溪勅葬

學士詹同墓在城北九十里雷公山

布政司徐本墓在礮石橋側

黃岡縣志

卷之二十三 墓域

二十九

定襄伯郭登墓在東絃鄉邱家街

指揮使黃榮墓在洪山寨西半里許勅葬

指揮使黃省二墓在還和鄉吐蕊山

清平知縣郭慶墓在度安鄉郭家新寨象山

御史杜遇春墓在縣東七里螺螄湖勅葬衣冠

都御史謝泉墓在楓香橋勅葬

黃州知府何晚齡墓在縣東十五里蔡家潭近名何家山

遼東都指揮使王應昇墓在永寧鄉戚柱山硤石冲勅葬

贈光祿卿奚世亮墓在定惠院左勅葬

刑部尚書王廷瞻在寶珠墩勅葬

肇慶同知黃一中墓 在還和鄉黑溝灣

崑山知縣樊玉衡墓 在還和鄉桐梓岡

恭誠伯陶仲文墓 在陶家潭勅葬

將仕郎葉夢陽墓 在還和先鄉廟兒山下官乾隆二年墓圮有誌云

陽幼習儒業壯其墓歲時祭之仁恕存心居家則孝友制行上民為封其墓

給事中王廷陳墓 在還和鄉烽火山側虎山

正議大夫邱仁墓 在樟松湖之青草嘴勅葬

廣東按察司僉事周文卿墓 在上伍鄉橫坡

太常卿樊玉衡墓 在慕義鄉對泉嶺

太僕卿杜仲墓 在東絃鄉杜家花園勅葬

黃岡縣志 卷之二十三 墓域 三十

贈太僕卿王追臯墓 在還和鄉王家板倉

德陽知縣樊鼎遇墓 在還和鄉飲馬陂

贈太僕少卿王一桂墓 在東絃鄉明家堰烏鴉地

御史曹儀墓 在上伍重鄉朱家山

桃源知縣陶珂墓 在上伍鄉新屋灣

定遠知縣曹士彥墓 在東絃鄉照魚山曹家苑

巡撫方任墓 在紅沙壩東雞公社

四會知縣曹之建墓 在慕義鄉小石門

御史曹光德墓 在下伍鄉大屋山

贈光祿卿周之訓墓 在中和鄉萬松山之甌蓬嶺勅葬衣冠

指揮使郭以重墓 在呂陽城外屯山

御史李植墓 在東弦鄉百丈嘴

副使樊維城墓 在東絃鄉東望城崗

河南布政僉事嚴師範墓 在東絃鄉土橋

贈尚書甄善墓 在三古河倪家嘴

贈尚書甄其賢墓 在中和鄉八里畝

刑部尚書甄淑墓 在三台河倪家嘴

黃州通判王爾賢墓 在城東石牛山有碑

黃岡知縣孫自一墓 在亂蕞湖側離城十五里自一殉獻

教授徐顯揚墓 在城東石牛山之郡人揚收葬於此明季癸未獻

黃岡縣志 卷之二十三 墓域 三十一

杜烈女墓 在陽邏軍迴峰山之陽姓名小英之州人言願未三

月終母喪以稍慰孝懈不將知其言也然使守漢口別置

除服乞筆墨為文祭於肘投江軍死許浮之乃自述其人

遭亂殉節之情裹文於肘

收之得其所焉 衛孝女墓 在陽邏全家盡山下女沿岸呼號西人從父之而死

數日負父屍出里 人為之葬焉

國朝

勅葬贈左都督王宗臣墓 在還和同本楊家坂邑於乾隆間全與道其

光緒十一年先案

勅葬禮部侍郎王封灤墓 在清淮門外

修撰劉子壯墓 在府城北慕義鄉湯家墩俗名鐵金鈎

學士曹本榮墓 在府城外山川壇

勅葬贈按察使司僉事汪基遠墓 在下伍重鄉黃林墅

鄧雲程墓 在洗馬池左岸

烈婦任何氏墓 在赤壁磯下

隱士曹大濩墓 在鼓樓山南曹家園離城五十里

禮部尚書王澤宏墓 在中和鄉周山舖西二里王家山

勅葬殉難游擊劉志高墓 在庶安鄉赤土坡西北風箏岡右

吏部主事范基祚墓 在迴龍山清水塘子同知元灝附

晉封榮祿大夫吏部侍郎李長青墓 在中和鄉周山舖龍王墩

黃岡縣志 卷之二十三 墓域 三十二

吏部侍郎李鈞簡墓 在中和鄉米篩湖上岸

資陽知縣范朝綱墓 在東絃鄉陸家嘴

義塚 附

漏澤園 舊有五處俱在東關外五里墩一國係康熙辛未康熙府有輔置一係鍾乾隆戊午知縣吳瑛置

熙己亥知縣鍾乾隆戊午知縣吳瑛置

附郭義園 一在元妙觀左側一在教場王家首駒附施一魏廷

邑紳公置一段和孫復古火置一段後一監在生廬粹崗紅花園

署但店司巡左側章淑捐王灝一捐置又一邑紳公川置壇一段側一邑

紳士置

東絃鄉義園 在劉家樓監生

還和鄉義園

張一得在勝仙姑廟一墮在巖黃山家北舖一西在職大員塘黃角俱璐邑捐人

置一塋在棗樹店北及管姓合置一馬曹在廟右邑東賈

景康在捐郭家一冲在邑賀人江灣泰興江山恒太江廣興捐置

慕義鄉義園

家一坂在一寺在便沙湖坂側一舉在人汪張崇堆俱等監生靖一厚在炳

置捐

庶安鄉義園

白一樓在灣一水在堵王一家在寨一馬在堤孔一家在石橋俱邑一人在

徐貢在朝紅捐家塘一上在岸大龜山厚一本在堂龜山俱一封在職胡布啟寺南捐

監生徐濟寬捐置

中和鄉義園

員在揭炳山芳舖等捐家置山生

京都黃岡義園

屬在東城兵馬司副指揮分轄西明隆慶時邑

黃岡縣志

卷之二十三

墓域

三十三

紳士置一以葬貧而三尺死者南之園東西計一十三丈九丈南北

西計一十丈九南北計三月十丈六尺後園戶立有人界石

黃岡縣志卷之二十三終